

呂山背國造外從八位上山背忌寸品遲從八位上難波忌寸濱足從七位下三宅忌寸大目合四人各進位一階。乙酉從駕諸國騎兵六百六十人皆免庸調并戶內田租。

〔續日本紀元七〕養老元年八月甲戌遣從五位下多治比真人廣足於美濃國造行宮。九月丁未天皇行幸美濃國。戊申行至近江國觀望淡海山陰道伯耆以來山陽道備後以來南海道讚岐以來諸國司等詣行在所奏土風歌儺。甲寅至美濃國東海道相摸以來東山道信濃以來北陸道越中以來諸國司等詣行在所奏風俗之雜伎。丙辰幸當耆郡覽多度山美泉賜從駕五位已上物各有差。戊午賜從駕主典已上及美濃國司等物有差郡領已下雜色四十一人進位一階又免不破當耆二郡今年田租及方縣務義二郡百姓供行宮者租。癸亥還至近江國賜從駕五位已上及近江國司等物各有差郡領已下雜色四十餘人進位一階又免志我依智二郡今年田租及供行宮百姓之租。甲子車駕還宮。

〔續日本紀元八〕養老二年二月壬申行幸美濃國禮泉。甲申從駕百寮至于興丁賜絁布錢有差。己丑行所經至美濃尾張伊賀伊勢等國郡司及外散位已上授位賜祿各有差。三月戊戌車駕自美濃至〔續日本紀元九〕神龜元年十月辛卯天皇幸紀伊國。癸巳行至紀伊國那賀郡玉垣勾頓宮。甲午至海部郡玉津島頓宮留十有餘日。戊戌造離宮於岡東是日從駕百寮六位已下至于使部賜祿各有差。壬寅賜造離宮司及紀伊國國郡司并行宮側近高年七十已上祿各有差百姓今年調庸名草海部二郡田租咸免之又赦罪人死罪已下名草郡大領外從八位上紀直摩祖爲國造進位三階少領正八位下大伴櫟津連子人海部直上形二階自餘五十二人各位一階又詔曰登山望海此間最好不勞遠行足以遊覽故改弱濱名爲明光浦宜置守戶勿令荒穢春秋二時差遣官人奠祭玉津嶋之神明光浦之靈。丁未行還至和泉國取石頓宮郡司少領已上給位一階監正已下至于百姓賜祿各有差。己酉車駕至自紀伊國。